

## ԵՐԱՆՏԻՔԻ ԽՈՍՔ

### Վահագն Մարաբյան

Գործադիր տնօրենի պաշտոնակատար  
Գաֆեսճեան արվեստի կենտրոն

«Երևանյան կոլեկցիոներների ընտրություն- նը» ցուցադրությունների շարքը մեկնարկեց Գաֆեսճեան արվեստի կենտրոնում 2012թ.-ին՝ նպատակ ունենալով բացահայտելու երևանաբնակ կոլեկցիոներներին և նրանց արվեստի հավաքածուները: Լինելով Հայաստանի մշակութային կյանքում աննախադեպ իրադարձություն՝ ծրագիրն արժանացավ արվեստասեր հասարակության լայն արձագանքին, ինչպես նաև վերարժևորվեց անհատ կոլեկցիոների հանրային դերն ու նշանակությունը՝ որպես մշակութային ժառանգության ջատագով-պահապանի:

2016թ. սեպտեմբերի 22-ին Գաֆեսճեան արվեստի կենտրոնում բացվեց «Երևանյան կոլեկցիոներների ընտրությունը» շարքի երրորդ ցուցադրությունը, որը ներկայացնում է կոլեկցիոներ Բորիս Գալստյանի արվեստի հավաքածուի ընտրանին՝ կենտրոնանալով Մինաս Ավետիսյանի, Վրոյր Գալստյանի և Աշոտ Հովհաննիսյանի (Դեղձ Աշոտ) աշխատանքների վրա: Բորիս Գալստյանն առանձնակի արժևորում է ազգային մոդերնիզմի այս երեք մեծություններին, որոնց գործերի ընտրանին հասանելի կլինի հանրությանը՝ սույն ցուցադրության շրջանակներում:

Մեր խորին շնորհակալությունն ենք հայտնում բոլոր անձանց, ում նվիրումի և ջանքերի շնորհիվ բացվեց «Երևանյան կոլեկցիոներների ընտրությունը 3՝ Բորիս Գալստյանի հավաքածու. Մինաս, Վրոյր, Դեղձ Աշոտ» ցուցադրությունը Գաֆեսճեան արվեստի կենտրոնում:

Կենտրոնի անունից սրտանց շնորհավորում և շնորհակալություն եմ հայտնում կոլեկցիոներ Բորիս Գալստյանին, ով սիրով միացավ այս նախաձեռնությանը և համաձայնեց հանրայնացնել իր հավաքածուն:

Շնորհակալություն եմ հայտնում նաև Գաֆեսճեան արվեստի կենտրոնի ամբողջ անձնակազմին՝ Գաֆեսճեան ժառանգությանն անմնացորդ նվիրումի և ցուցադրությունն իրականացնելու համար:

Համոզված եմ, որ «Երևանյան կոլեկցիոներների ընտրությունը 3՝ Բորիս Գալստյանի հավաքածու. Մինաս, Վրոյր, Դեղձ Աշոտ» ցուցադրությունը իրաշափի հնարավորություն կընձեռի հայաստանյան և օտարերկրյա արվեստասեր հանրությանը՝ նորովի բացահայտելու հայ արվեստի այս երախտավորներին, ինչպես նաև գնահատելու երևանյան կոլեկցիոներների նվիրումն ու մեծահոգությունը:

# ՄԻՆԱՍ ԱՎԵՏԻՍՅԱՆ MINAS AVETISYAN (1928-1975)

**1928** ծնվել է Ջաջուռ գյուղում (Հայաստան)

**1947-1952** սովորել է Փ. Թերլեմեզյանի անվան գեղարվեստի ուսումնարանում, Երևան

**1952-1954** սովորել է Երևանի գեղարվեստա-թատերական ինստիտուտում

**1954-1960** շարունակել է ուսումը Լենինգրադում Ի. Ռեպինի անվան գեղանկարի, քանդակի և ճարտարապետության ինստիտուտում

**1960-1970**-ականներ մասնակցել է բացմաթիվ խմբային ցուցադրությունների Հայաստանում և արտերկրում

**1962** դարձել է ՍՍՀՄ նկարիչների միության անդամ

**1968** ստացել է Հայաստանի վաստակավոր նկարչի կոչում, կայացել է նկարչի առաջին անհատական ցուցահանդեսը

**1972** բազմաթիվ ստեղծագործություններ այրվում են արվեստանոցի հրդեհում

**1960-1975** Մինասն ստեղծել է ավելի քան 500 գեղանկար, մոտավորապես նույն քանակի գրաֆիկական աշխատանքներ, 20 մոնումենտալ որմնանկար և տասնյակ թատերական ներկայացումների/ ֆիլմերի նկարիչ է եղել:

**1975** մահացել է ավտոպատահարում

*Նրա ստեղծագործությունները գտնվում են Երևանի Ժամանակակից արվեստի թանգարանի, Հայաստանի ազգային պատկերասրահի, Մոսկվայի Տրետյակովյան պատկերասրահի, Արևելքի ժողովուրդների արվեստի թանգարանի հավաքածուներում, ինչպես նաև մասնավոր հավաքածուներում Հայաստանում և արտերկրում:*

**1928** born in the village of Jajur (Armenia)

**1947-1952** studied at Art College after P.Terlemezyan in Yerevan

**1952-1954** studied at the Yerevan State Institute of Theatre and Fine Arts

**1954-1960** continued his studies at the Il. Repin Leningrad Institute for Painting, Sculpture and Architecture

**1960s-1970s** participated in numerous group exhibitions in Armenia and abroad

**1962** became a member of USSR artists union

**1968** became Honored Artist of Armenia. Had the first solo exhibition in Yerevan

**1972** lots of paintings by the artist were lost during a fire in the studio

**1960-1975** managed to create over 500 canvases, and nearly the same amount of drawings, 20 big frescos and design projects for dozens of theatrical performances and movies

**1975** died tragically from a car accident in Yerevan

*His works are in the collections of the Yerevan Museum of Modern Art, the National Gallery of Armenia, the State Tretyakov Gallery, Moscow, Museum of Peoples of the East, Moscow and numerous private collections in Armenia and abroad.*



Միջազգային ուսանողական փառատոնը Մոսկվայում | World Festival of Students in Moscow | 1957



Գյուղ. Երեկո | Village: Evening | 1961



Աշնանալի տերևաթափ | Autumn Leaf Fall | 1974

# ՎՐՈՒՅՐ ԳԱԼՍՏՅԱՆ VRUYR GALTSYAN (1924-1996)

**1924** ծնվել է Երևանում

**1958** ավարտել է Փ. Թերլեմեզյանի անվան գեղարվեստի ուսումնարանը Երևանում

**1959-1964** սովորել է Երևանի գեղարվեստա-թատերական ինստիտուտում

**1968** դարձել է ԽՍՀՄ նկարիչների միության անդամ

**1960-1980**-ականներ մասնակցել է բազմաթիվ ցուցադրությունների Հայաստանում և արտերկրում

**1983** կայացել է նկարչի անհատական ցուցադրությունը Հայաստանի նկարիչների միությունում

**1996** մահացել է Երևանում

*Վրույր Գալստյանի աշխատանքները գտնվում են Երևանի Ժամանակակից արվեստի թանգարանում, Հայաստանի ազգային պատկերասրահում, Մոսկվայի Տրետյակովյան պատկերասրահում, Արևելքի ժողովուրդների արվեստի թանգարանում և բազմաթիվ մասնավոր հավաքածուներում:*

**1924** born in Yerevan

**1958** Graduated from the Art College after P.Terlemezyan in Yerevan

**1959-1964** studied at Yerevan State Institute of Theatre and Fine Arts

**1968** became a member of USSR Artists Union

**1960-1980s** participated in numerous exhibitions in Armenia and abroad


**1983** personal exhibition in Artists Union of Armenia

**1996** died in Yerevan

*Vruyr Galstyan's artworks are now in the Yerevan Museum of Modern Art, the National Gallery of Armenia as well as in the Tretyakov Gallery, the Oriental Art Museum in Moscow and in many private collections.*



Բնանկար | Landscape | 1971



Բնանկար | Landscape | 1977

# ԱՇՈՏ ՀՈՎՀԱՆՆԻՍՅԱՆ (ԴԵԴԶ) ASHOT HOVHANNISYAN (DEGHDZ) (1929-1997)

**1929** ծնվել է Մայիսյան գյուղում (Հայաստան)

**1943-1947** սովորել է Ս. Մերկուրովի անվան արվեստի դպրոցում Լենինականում (ներկայիս Գյումրի)

**1948-1950** սովորել է Երևանի գեղարվեստի ուսումնարանում

**1957-1964** սովորել է Լենինգրադում Ի. Ռեպինի անվան գեղանկարի, քանդակի և ճարտարապետության ինստիտուտում

**1967** սկսել է դասավանդել Լենինականի մանկավարժական համալսարանում

**1969** տեղափոխվել է Երևան

**1970** դարձել է Հայաստանի նկարիչների միության անդամ

**1970-1980**-ականներ մասնակցել է մի շարք խմբային ցուցադրությունների Հայաստանում և արտերկրում

**1990** ստացել է Հայաստանի վաստակավոր նկարչի կոչում

**1997** մահացել է Երևանում

*Աշոտ Հովհաննիսյանի ստեղծագործությունները գտնվում են Երևանի ժամանակակից արվեստի թանգարանի, Հայաստանի ազգային պատկերասրահի հավաքածուներում, ինչպես նաև բազմաթիվ մասնավոր հավաքածուներում Հայաստանում և արտերկրում:*

**1929** born in Mayisyan village (Armenia).

**1943-1947** studied at the Art School after S. Merkurov in Leninakan (modern Gyumri)

**1948-1950** studied at Art college in Yerevan

**1957-1964** studied at Il. Repin Leningrad Institute for Painting, Sculpture and Architecture

**1967** began teaching at the Leninakan State Pedagogical Institute

**1969** moved to Yerevan

**1970** became member of the Union of Artists of Armenia

**1970-1980s** participated in numerous exhibitions in Armenia and abroad

**1990** received the title of Honored Artist of Armenia.

**1997** died in Yerevan.

*Ashot Hovhannisyanyan's artworks are in the collections of the Yerevan Museum of Modern Art, the National Gallery of Armenia, numerous private collections in Armenia and abroad.*



Կոմպոզիցիա | Composition | 1974



Մայրամուտ | Sunset | 1980



Աշունը Մայիսյան գյուղում | Autumn in the village Mayisyan | 1985



## ԲՈՐԻՍ ԳԱԼՍՏՅԱՆՆ ԻՐ ՆԱՎԱՔԱԾՈՒԻ ՄԱՍԻՆ

Արվեստը միշտ էլ եղել է իմ հետաքրքրությունների կիզակետում, չնայած այլ գործունեությամբ եմ զբաղվել: Աշխատանքի բերումով ծանոթացել և շփվել եմ տարբեր մասնագիտությունների տեր մարդկանց հետ, այդ թվում և արվեստագետների: Նրանց հետ զրույցները, բնական է, հիմնականում վերաբերվել են արվեստին, հայ մշակույթին, որն ինձ միշտ գրավել և կապել է այդ բնագավառին: Ընկերացա նկարիչ Սլավիկ Պարոնյանի հետ, ում և խնդրեցի ստեղծել իմ ծննդավայրը՝ Ներկայացնող մի քանի բնանկար: 1986 թվականին նա մեկնեց Լեռնային Ղարաբաղ և իրագործեց իմ խնդրանքը: Դրանք իմ առաջին ձեռքբերած նկարներն են, որոնք ինձ միշտ կապում են իմ մանկության հետ՝ վերադարձնելով դեպի սկիզբ, մաքրություն և անբիծ երազանքներ: Այդպես սկսվեց իմ հավաքածուն:

Շրջադարձային եմ համարում իմ կյանքում հանդիպումը հայտնի արվեստաբան, հասարակական գործիչ Նենրիկ Իգիթյանի հետ, ով ինձ բացահայտեց 60-ականների հայ մեծանուն գեղանկարիչներին: Լինելով Մինասի մտերիմ ընկերը՝ նա կիսվում էր ինձ հետ նկարչի և նրա ժամանակի հետ առնչվող հետաքրքիր պատմություններով, ծանոթացնում իր ստեղծած գրքերի, կատալոգների բովանդակության հետ, ինչպես նաև խոսում արվեստի չափանիշների մասին: 60-ականների այդ պոռթկումը լիովին փոխեց հայ արվեստի դեմքը, և առաջին հերթին դա վերաբերվում էր գույնին: Գույնը դարձավ

ինքնուրույն, ինքնավար, խիզախ և ձևավորպեց այդ շրջանի հայ գեղանկարչության դեմքը: Իգիթյանի եզրակացությունները համընկնում էին իմ մտածելաձևին և դա է այն պատճառներից մեկը, որ ես կենտրոնացա 60-ականների ամենավառ գեղանկարիչների աշխատանքների վրա, որոնք, հնարավորություններիս սահմաններում, սկսեցի ձեռք բերել:

Իսկապես սիրեցի այդ զբաղմունքը (արվեստի գործեր հավաքելը), եթե կարելի է դա այդպես անվանել, երբ բացահայտեցի Մինասին: Մինասը ինձ համար այն արվեստագետներից էր, ով իր սերը դեպի հայրենիքը և ծնողները արտահայտում էր արվեստի միջոցով: Մինասի որ գործն էլ նայես, կա կարոտ դեպի հայրենիք, դեպի իր Զաջուռը, կա անհետ կորսվածի անընդհատ փնտրտուք և այդ տազնապը մշտապես առկա է նրա կտավներում: Առաջին նկարիս ձեռքբերումը կարծես կոմպենսացնում էր այն կարոտը, որ կար դեպի իմ հայրենի գյուղը, և հետագայում Մինասի կտավների ձեռքբերումը կարծես մի նոր շփում էր ծննդավայրիս հետ, թեկուզ և ոչ ուղղակի ձևով: Այս տեսանկյունից նկարի ձեռքբերումը ինձ համար ոչ թե զբաղմունք էր, այլ ինքնության վերաբացահայտում, անցյալի արժևորում:

Կարծում եմ Գաֆեսճեան արվեստի կենտրոնի այս ցուցահանդեսի կարևորությունը նրանում է, որ առաջին անգամ հանդիսատեսը կտեսնի այնպիսի աշխատանքներ, որ երբևէ չեն ցուցադրվել: Բացառություն են կազմում Մինասի շուրջ

տասը կտավներ, որոնք ներկայացվել են մի քանի ցուցասրահներում: Այս առումով ցանկանում եմ իմ խորին երախտագիտությունը հայտնել Գաֆեսճեան արվեստի կենտրոնին այսպիսի թաքնված գանձերը հանրությանը ներկայացնելու նպատակով մշակութային հարթակ և հնարավորություն ստեղծելու համար:

Կոլեկցիոների դերը մշակույթի զարգացման հարցում բավական կարևոր է: Կոնկրետ այս պարագայում իմ հավաքածուն կենտրոնացած է այս երեք արվեստագետների շուրջ, որը շատ հարմար է ուսումնասիրողի համար: Իհարկե, նրա համար շատ ավելի հեշտ է գնալ և տեսնել մեկ կոլեկցիոների հավաքածուի ցուցադրությունը, քան, օրինակ՝ մեկ նկարի համար հասնել պատկերասրահ, մյուսի համար՝ ժամանակակից արվեստի թանգարան: Այսինքն՝ կոլեկցիոները կենտրոնացնում է կոնկրետ հեղինակի աշխատանքները՝ հնարավորություն ստեղծելով այդ հեղինակի ուսումնասիրության համար: Բացի այդ, կոլեկցիոները նաև իր նախասիրած արվեստագետի մասնագետն է, որը թույլ է տալիս նրան բացահայտել այդ արվեստագետի նոր, դեռևս չուսումնասիրված աշխատանքները: